

# QVÆSTIO MEDICA

## QVODLIBETARIIS DISPV TATIONIBVS MANE DISCV TIENDA.

### IN SCHOLIS MEDICORVM DIE IOVIS XXVII. APRILIS.

#### M. FRANCISCO LOPES, Doctore Medico Præside.

*An Dysenteria opium?*

1056

**N** VTRITIONE indiget quidquid vivit ut diu sit, hæc fit nusquam nisi puri ab impuro secretione, hinc excrementorum ineuitabilis prouentus altera mortalitatis nostræ fatalis causa, ab hac ut imminensem operi suo perniciem auerteret Natura, innumera excavauit organa quibus seruaret, coqueret, & educeret *τα πρῆτα σώματα*, nusquam aliàs ingeniosior quàm cum innumeros intestinorum gyros circumduxit. Hi in infima regione positi, laxis Mesenterii filibus interfusi, quo ventriculo propiores eo magis graciles, venarumque ramulis spissius intertexti, triplici membrana circumuoluuntur. Carnosa & rugosa est quæ cauum efficit, quæ illam obducunt nervosiores; ad hos undique liber est comneatus; nulla corporis pars ad publicam fecundam non mittit: nec tamen sine lege aut mittitur, aut suscipitur, hæc si non seruetur, alui perturbationem totiusque corporis confusionem sequi necesse est.

**T** ER RIFICVM aluinae regionis symptoma dysenteria, cruenta omnis per intestina excreto est, seu sit *διάρρεια* quæ hepatis *ικτερίδα* index certissima nusquam Medici ope indiget, seu acrior sanguis vasorum oscula referet, aut præ hepatis impotentia serofus cruentatam à lotis nuper carnibus aquam referat, quæ hepatica verius sunt quam dysenterica. Dysenteriam melius eam dixeris, quæ eroso succedit intestino, hæc aliquando Critica multis fuit saluti; lienolos, si brevis & fugax sit, morbo liberat, etiam longa nonnullis gibbero laborantibus lumborum libertatem attulit. Sæpius perniciofa, seu nudum & simplex vlcus sit, seu ex maligna putredine *νηπιον* habens: crassa modo intestina, modo tenuia corrodit, vtriusque bilis aut pituitæ falsæ nefanda soboles: fertur per intestinorum anfractus pigro lapsu ferociens humor, abradit quidquid glutinosum illorum parietes oblinat, membranaeamenta foliatim dehinc excernuntur, donec ipsam partis carnem depopuletur iam fatale malum: immites cruciatus, crebra deiiciendi cupiditas, noctes insomnes, ab his febris asidua symptomata sunt ipso morbo sæpe grauiora, nulla non arte domanda, temperanda.

**N** EQVIDQVAM medearis si ab atrâ bile vlcus est, si à flauâ, rem blande detergentibus agredere, te tamen sæpius tormina ad ea cogent quæ lentore suo & temperie leniunt, validiora admittit crassior pituita putrescens. Appage medicum illum qui acrioribus dysenterias omnes curabat, vix ac ne vix quidem profunt, quæ fortiter adstringunt, intempestiue supressa dysenteria nullius non morbi causa est; venæ sectio in principio nusquam non est in usu, ut dometur erodentis humoris æstus; profuit sæpe hæmorrhoidas prouocasse; crebra sint ad manum enematata, si in crassioribus intestinis sit labes, si in tenuibus crebriores potus, lenibus sensim eblandiendus humor est donec defæuerit; tunc purgationi locus est cum mitiora sunt omnia, num & aliquando vomitui, ut contumaciter per inferiora repens humor sursum reuellatur. Hæc sæpe dysenterico salutem afferent, sæpe ea quæ illum male habent accidentia alias artes, aliam curandi rationem efflagitabunt.

**I** NFESTISSIMVS naturæ hostis dolor est, nusquam sine morbo partem cruciat, nec vsquam sine vitæ periculo morbus est, quem carnifex hic comitatur. An ergo Medicum eum damnaueris qui vel spretâ morbi causâ dolori sedando studet? ingens est qui dysentericos dilaniat, & humoris rosione & partis sensu, non tam vlcis symptoma quam grauiorum malorum causa; irritata indefinente vellicatione intestina irritis conatibus in mordentem humorem insurgunt, luditur ægri spes, excernit nihil quam *ἔσθλα* & dilaceratæ membranæ interioris ruinas, nulla datur fesso requies; dilanians humor dolore attrahitur, acuitur, exasperatur, hinc crebrior deiiciendi conatus, vigilia inquit, viriumque ingens exhaustus, nec amplius quam ad tormenta viuax est tabescens ægrotus, nihil molitur fatiscens natura, quæ si darentur indutiæ, humorem præpararet & coqueret. An morbi & iam futuræ mortis causam spernit, qui dum medetur dolori, somnum magnum vigilijs exhausto leuamen conciliat, humorem incrassat, illiusque acrimoniam mitigat & retundit?

**O** PIVM vulnere papaueris exudans lachryma, & partium & qualitatum diuersissimarum mixtura indicibili, Narcoticum est; idem & intensè calidum & frigidum, vincit tamen calorem frigus; substantia illius spissa & viscosa, tetrum aliquid & fumidum habet, calorique natio infestum, hinc præparatione indiget ne noceat, torreatur donec effumarint olidi, & crassi vapores, iamque gratum aliquid spiret; aceto acerrimo dissoluatur, expurgetur sordibus suis peracuratam colationem, tepido igne rursus exsicceatur; nec temere putes ad mota Opio Acidâ; narcoticorum enim malitiam valide tenuitate sua & aciditate retundunt. Hac arte parati opii *ὀπιο* omne punctum feret, efferatorum humorum rabiem sicurat, hos præ nimia tenuitate in partem affectam concitatos, sistit & incrassat, dolorem vltimam perniciem minitantem tuissime lenit, irrepit post tot laboriosas noctes placidissimus somnus, & tandem affulget salutis spes in hoc rerum statu in quo conclamata erant omnia.

*Ergo Dysenteria opium.*

496

DOMINI DOCTORES DISPV TATVRI.

M. Carolus le Breton.  
M. Claudius Perrault.  
M. Tuffanus Fontaine.

M. Franciscus Pajot.  
M. Florimundus Langlois.  
M. Claudius le Vasseur.

M. Carolus le Clerc.  
M. Ioannes Bourgeois.  
M. Franciscus Guenault.

Proponebat Lutetiæ CLAVDIUS DE FRADES Parisinus A.R.S.H. M. DC. LVI.